



Prilpadnici Državne agencije za istrage i zaštitu (SIPA) jučer ujutro su po nalogu Tužilaštva i Suda BiH obavili pretres objekata na tri lokacije u Ljubuškom i Tomislavgradu.

Iz SIPA-e je rečeno da se aktivnosti provode radi pronalazjenja i privremenog oduzimanja dokumentacije i drugih predmeta koji mogu poslužiti kao dokaz da je počinjeno krivično djelo pranja novca te da je riječ o pretresima stambenih i poslovnih objekata koje koristi osoba M. M.

Pranje novca

Iz Tužilaštva BiH su naveli da se pretresi vrše po zamolbi USKOK-a iz Republike Hrvatske te da se aktivnosti provode u okviru istrage koja se vodi u Hrvat-

Advokat bez informacija

Mamićev advokat Čedo Prodanović jučer je tek kratko kazao da ništa ne može komentirati, s

obzirom na to da, naveo je, nije obaviješten o bilo kakvim pretresima u BiH.

skoj i BiH protiv više osoba zbog krivičnih djela zločinačkog udruženja i zloupotrebe povjerenja u privrednom poslovanju i pranja novca.

- Radi se o složenoj istrazi i transakcijama u višemilionskim iznosima. Također, vrše se i provjere finansijskih transakcija i poslovanja osumnjičenih u BiH - saopćeno je iz Tužilaštva BiH.

Iako u SIPA-i i Tužilaštvu BiH nisu htjeli iznositi više informacija, riječ je o istrazi povezanoj s pranjem novca Marija Ma-

mića, sina izvršnog predsjednika Dinama Zdravka Mamića. Poznata je činjenica da Mamići posjeduju nekretnine u mjestu Zidine kod Tomislavgrada, otkud su rodom, dok su, pak, istražitelji SIPA-e, bez velike pompe, kako neslužbeno saznajemo, jučer u sedam sati pretresli kuću u Hrašljanima kod Ljubuškog, koja je u vlasništvu porodice Kravić, odnosno oca Mariove supruge Monike.

U prizemlju te kuće je firma „Sport Servis MM“, ali tokom posjete brojnih novinar-

skih ekipa tu, kao ni u kući, nije bilo nikoga. Štaviše, sva vrata bila su zaključana.

Račun u BiH

Prema nepotvrđenim informacijama, provjeravana su tri bankovna računa: privatni Marija Mamića, poslovni „Sport Servisa MM“ i račun 32-godišnjeg Marka Kravića, sina Monikinog strica, koji se, pak, vodi kao odgovorna osoba u toj firmi.

Navodno, Mario Mamić na računu u jednoj banci u BiH ima nešto više od 300.000 eura, koje mu je uplatila njegova firma „Sport Servis MM“, a koja je uplate primala i od offshore firme „Rasport Management AG“ iz Švicarske, putem koje je, prema USKOK-ovim optužbama, izvlačen novac iz Dinama. **M. SMAJKIĆ**